

**BOSNA I HERCEGOVINA**  
**FEDERACIJA BOSNE I HERCEGOVINE**  
**SREDNJOBOSANSKI KANTON/KANTON SREDIŠNJA BOSNA**  
**OPĆINSKI SUD U JAJCU**  
**Broj : 128 0 K 042721 24 K**  
**Dana : 11.10.2024. godine**

## **U IME FEDERACIJE BOSNE I HERCEGOVINE**

Općinski sud u Jajcu, sudija Alem Ribić, uz sudjelovanje Snježane Blažić, kao zapisničara, u krivičnom predmetu protiv optuženog A. K. zv. „K.“, sina M., radi izvršenja krivičnog djela „Posjedovanje i omogućavanje opojnih droga“ iz člana 239. st. 3 KZ FBiH po optužnici Kantonalnog Tužilaštva Travnik, broj: T 06 0 KT 0033638 24 od 25.03.2024. godine, nakon održanog glavnog pretresa od dana 09.10.2024. godine u prisustvu kantonalnog tužioca Milice Đotlo i optuženog A. K. lično, dana 11.10.2024. godine objavio je i izrekao , te u pismenom otpravku donosi slijedeću:

## **P R E S U D U**

**OPTUŽENI: A. K. zvani “K.“**, sin M. i majke N. rođene A., rođen ... godine u T., nastanjen na adresi ... .., općina J., ..., državljanin ..., JMBG: ... , pismen, završio SSS, po zanimanju kuhar, nezaposlen, neoženjen, vojsku nije služio, srednjeg imovnog stanja, neosuđivan

## **K R I V J E**

Što je:

Dana 30.08.2023.godine oko 23:30 sati u Ul. II Zasedanja AVNOJ -a, Općina Jajce, suprotno odredbi čl. 4 Zakona o spriječavanju i suzbijanju zloupotrebe opojnih droga BiH, iako je bio svjestan da je posjedovanje opojne droge zakonom zabranjeno, što je htio, pa je kod sebe neovlašteno posjedovao opojnu drogu cannabis neto mase 2,285 grama, upakovanu u crnu PVC vrećicu, koja opojna droga je pronađena kod istog prilikom kontrole od strane službenika PU Jajce, nakon čega je predmetna droga oduzeta od strane ovlaštenih službenih osoba PU Jajce uz izdatu potvrdu o privremenom oduzimanju predmeta.

Dakle, neovlašteno je posjedovao opojnu drogu, čime je počinio krivično djelo „Posjedovanje i omogućavanje opojnih droga“ iz člana 239. stav 3. KZ FBiH, pa sud optuženom primjenom gore navedenih odredbi izriče

## **UVJETNU OSUDU**

Tako što mu se utvrđuje kazna zatvora u trajanju od 6 (šest) mjeseci i istovremeno određuje da se izrečena kazna neće izvršiti ukoliko optuženi u vrijeme provjeravanja od 1 (jedne) godine od dana pravosnažnosti, ne poćini novo krivično djelo.

Shodno odredbi člana 78. i 239. stav 4. KZ FBiH od optuženog A. K. trajno se oduzima opojna droga Cannabis , neto mase 2,257 grama upakovana u bijelu kovertu , oznake kao u prilogu uz akt broj 09-18/2-03-5-1831, privremeno oduzeta po Potvrdi o privremenom oduzimanju predmeta PU Jajce broj 02/5-2-04-9-6-25/23 od 30.08.2023.godine.

Temeljem odredaba čl. 202. st. 1. ZKP –a FBiH optuženi se obavezuje nadoknaditi troškove krivičnog postupka u iznosu od 200,00 KM (dvijestotine konvertibilnih maraka).

## **O b r a z l o ž e n j e**

Aktom broj : T06 0 KT 0033638 24 od 25.03.2024.godine, Kantonalno tužilaštvo Travnik, podiglo je optužnicu kojom se optuženom A. K. zv. “K.” stavlja na teret da je počinio krivično djelo “Posjedovanje i omogućavanje uživanja opojnih droga ” iz člana 239. stav 3. KZ F BiH.

Ova optužnica potvrđena je dana 03.04.2024. godine.

U datoj uvodnoj riječi kantonalni tužilac ostao je pri tvrdnji da je optuženi počinio krivično djelo koje mu se podnesenom optužnicom stavlja na teret te da će tužilaštvo u daljem toku postupka izvođenjem dokaza, prije svega optužbe i dokazati krivicu optuženog.

Po otvaranju glavnog pretresa od dana 09.10.2024. godine, a nakon čitanja optužnice, optuženi se u datoj uvodnoj riječi izjasnio da nije kriv za krivično djelo koje mu se podnesenom optužnicom stavlja na teret.

U daljem toku postupka optuženi je ostao kod navoda da nije kriv sve do kraja glavnog pretresa.

Svi provedeni dokazi u skladu sa odredbom člana 296. ZKP FBiH cijenjeni su u svojoj cjelini, te svaki dokaz pojedinačno i u vezi sa ostalim dokazima.

Ocjenom svih izvedenih dokaza temeljem člana 296. ZKP F BiH sud nalazi sljedeće :

Materijalnim dokazima optužbe koji su pročitani na glavnom pretresu u dokaznom postupku - uvidom u Službenu zabilješku PU Jajce broj 02/5-3-04-9-2-OI -320/23 od 30.08.2023.godine koju su sačinili policijski službenici F. S. i S. Đ.ć na okolnosti legitimisanja i pregleda lica A. K. oko 23.30. sati u Ul. II Zasedanja AVNOJ -a u Jajcu kojom prilikom je A. K. dobrovoljno predao policijskim službenicima jednu manju PVC vrećicu crne boje na kojoj je odštampan logo lista marihuane u kojoj se nalazila NN biljna materija koja svojim izgledom, mirisom i načinom pakovanja asocira na opojnu drogu. Dana 30.08.2023.godine policijski službenici su u vremenskom periodu od 18 – 02.00 sata na osnovu radnog naloga obavljali poslove i zadatke u skladu sa Planom pojačanih aktivnosti na suzbijanju i sprječavanju zloupotrebe opojnih droga na području PU Jajce te su primjetili jednu NN mušku osobu koja se nalazila iza zaštitne ograde ruševnog objekta , tražili su na uvid ličnu kartu te uvidom u istu utvrdili da se radi o licu A. K. , upitali ga da li posjeduje opojne droge, na što je isti rekao da posjeduje i predao im jednu manju crnu PVC vrećicu na kojoj je odštampan list marihuane u kojoj se nalazila NN biljna materija koja svojim izgledom i načinom pakovanja podsjeća na opojnu drogu. Lice A. K. je upoznat da se sumnjiči za krivično djelo Posjedovanje i omogućavanje uživanja opojnih droga iz čl. 239. KZ FBiH i isti je usmeno pozvan u prostorije PU Jajce gdje je inspektor OKP M. Š. sa svojim saradnicima nastavio poduzimati daljnje mjere i radnje u cilju dokumentiranja predmetnog krivičnog djela. Uvidom u Potvrdu o privremenom oduzimanju predmeta PU Jajce broj 02/5-2-

04-9-6-25/2023 od 30.08.2023.godine potvrđeno je da su od optuženog oduzeti jedna crna PVC vrećica sa logom marihuane u kojoj se nalazi zeljasta materija koja svojim izgledom i načinom pakiranja asocira a Zapisnikom o privremenom oduzimanju predmeta broj 02/5-2-04-9-6-25-1/23 od 30.08.2023.godine PU Jajce evidentirano je da je optuženi dobrovoljno predao predmete vrećica sa logom marihuane u kojoj se nalazi zeljasta materija koja svojim izgledom i načinom pakiranja asocira da se radi o opojnoj drogi „kanabis“. Uvidom u Naredbu ovog suda broj 128 0 K 040681 23 Kpp od 15.09.2023.godine sud je utvrdio da je naređeno da se privremeno oduzeti predmeti dostavljeni ovom sudu 31.08.2023. godine od strane PS Jajce uz Zapisnik o privremenom oduzimanju predmeta broj 02/5-2-04-9-6-25-1/23 od 30.08.2023. godine i to jedna crna vrećica sa logom marihuane u kojoj se nalazi zeljasta materija koja svojim izgledom i načinom pakiranja asocira da se radi o opojnoj drogi „kanabis“, te su isti pohranjeni ovom sudu temeljem Naredbe, broj gornji, od 31.08.2023. godine dostavljaju se PS Jajce radi vještačenja. Uvidom u Naredbu tužilaštva SBK broj T 06 0 KTA 0033638 23 od 08.09.2023.godine naređuje se provođenje hemijsko – toksikološko vještačenje , izuzete NN materije, koja je dana 30.08.2023.godine izuzeta od osobe A. K., sa podacima kao u izreci, i to jedna vrna rećica sa logom marihuane u kojoj se nalazi zeljasta materija koja svojim izgledom i načinom pakiranja asocira da se radi o opojnoj drogi, a uvidom u Nalaz i mišljenje FUP Sarajevo , Centar za hemijsko toksikološka vještačenja br. 09-18/2-03-5-1831 od 28.12.2023.godine izneseno je na temelju provedenih ispitivanja i analize dobivenih rezultata dato je mišljenje da zelena biljna materija mase 2,285 grama dostavljena u crnoj PVC vrećici, sadrži psihotropnu supstancu tetrahidrokanabinol (THC) i predstavlja opojnu drogu Cannabis, a Cannabis i THC se nalaze na Popisu opojnih droga , psihotropnih tvari, biljaka iz kojih se može dobiti opojna droga i prekusora, Zakona o sprječavanju i suzbijanju zloupotrebe opojnih droga (Sl. glasnik BiH broj : 8/06,103/08,51/11). Uvidom u izvod iz kaznene evidencije PS Travnik broj 02/7-3-04-2-4-71/24 od 02.02.2024.godine utvrđeno je da optuženi nije evidentiran u kaznenoj evidenciji PS Travnik. Uvidom u fotodokumentaciju PU Jajce broj 02/7-3-04-2-4-71/24 od 02.02.2024.godine utvrđeno je da se na fotografijama nalazi crna manja vrećica sa logom marihuane, a uvidom u bijelu kovertu , prilog uz akt 09-18/2-03-5-1831 utvrđeno je da je navedena vrećica u bijeloj koverti pohranjena na čuvanje u ovom sudu u Knjizi evidencije dokaza Naredbom broj 128 0 K 042721 24 Kps od 03.04.2024.godine

Na glavnom pretresu 09.10.2024.godine optuženi u uvodnoj riječi izjavi da je razumio navode iz optužnice i ponovo se izjašnjava da nije kriv.

Svjedok M. Š., inspektor u PU Jajce izjavi da mu je tog dana 30.08. došao F. S.policijski službenik zajedno sa optuženim. F. S. je sa sobom donio crnu vrećicu sa logom kanabisa i razgovarali su , na njegovo pitanje šta je ovo, rekao da je to marihuana , optuženom je data potvrda i zapisnik , ujutro su ga saslušali.. Kolega Š. je fotografisao vrećicu optuženi je bi ljubazan. Optuženi izjavi da ne zna kako se to našlo kod njega.

Svjedok F. S., policijski službenik izjavi da su on i kolega radili tu noć 30.08. i izvršili identifikaciju lica za kojeg se utvrdilo da je optuženi A. K., da je sa sobom imao crnu vrećicu sa logom marihuane, dobrovoljno ju je predao, poznat mu je odranije, potvrdio je da je sačinio službenu zabilješku od 30.08.2023. godine. Vještak Iva Trezner , dipl. inženjer hemije, izjavi da je zaprimila naredbu tužilaštva, da je po istoj postupila , predmet je predstavljala jedna crna vrećica u plavoj koverti za koju se utvrdilo da je opojna droga cannabis , da u tom pravcu daje svoje mišljenje.

U završnoj riječi zastupnik optužbe izjavi da je nakon provedenog dokaznog postupka dokazano da je optuženi na način kako je to opisano u optužnici počinio krivično djelo koje mu se

stavlja na teret , da su u tom pravcu provedeni materijalni dokazi, saslušani svjedoci i vještak te imajući u vidu da je optuženi neosuđivan ali da je poznat pripadnicima PU Jajce kao uživatelj opojnih droga predlaže da se isti kazni po zakonu.

Optuženi u završnoj riječi izjavi da nije kriv i to što je pronađeno kod njega nije njegovo i nije bio sam, bio je njegov kolega , priznao je pod strahom, potpisao je nešto što nije znao, niko ga nije pretresao ranije.

U glavi XXI Krivičnog Zakona FBiH propisana su krivična djela protiv protiv zdravlja ljudi pa je tako u čl. 239. KZ FBiH propisano u stavu 1. “ ko navodi drugog na uživanje opojne droge ili mu daje opojnu drogu da je uživa on ili druga osoba ili stavi na raspolaganje prostorije radi uživanja opojne droge ili na drugi način drugom omogućuje uživanje opojne droge, kaznit će se kaznom zatvora od tri mjeseca do pet godina “. Stavom 2. propisano je : “ ko krivično djelo iz stava 1. ovog člana učini prema djetetu , maloljetniku ili prema više osoba ili ako su prouzrokovane naročito teške posljedice, kaznit će se kaznom zatvora od jedne do deset godina”. Stavom 3. predviđeno je: “ko neovlašteno posjeduje opojnu drogu, kaznit će se kaznom zatvora do jedne godine”, a stavom 4. istog člana propisano je : “opojne droge oduzet će se”.

S tim u vezi , a u odnosu na krivično djelo koje se optužnicom stavlja na teret optuženom da je “ Dana 30.08.2023. godine oko 23:30 sati u Ul. II Zasedanja AVNOJ -a , Općina Jajce, suprotno odredbi čl. 4. Zakona o spriječavanju i suzbijanju zloupotrebe opojnih droga BiH, iako je bio svjestan da je posjedovanje opojne droge zakonom zabranjeno, što je htio, pa je kod sebe neovlašteno posjedovao opojnu drogu cannabis neto mase 2,285 grama, upakovanu u crnu PVC vrećicu, koja opojna droga je pronađena kod istog prilikom kontrole od strane službenika PU Jajce, nakon čega je predmetna droga oduzeta od strane ovlaštenih službenih osoba PU Jajce uz izdatu potvrdu o privremenom oduzimanju predmeta“, sud je nakon izvedenih dokaza zaključio da je optužnica osnovana, te optuženom i izrekao kaznu kao u izreci presude.

Naime, nesporno je tokom postupka utvrđeno da je optuženi od strane pripadnika PU Jajce u Ul. II Zasedanja AVNOJ -a legitimisan, te je dobrovoljno predao malu crnu vrećicu sa logom marihuane o čemu mu je izdata potvrda i sačinjen zapisnik koji su izvedeni kao materijalni dokazi, a na te okolnosti su saslušani i svjedoci M. Š. i F. S. koji su potvrdili autentičnost navedene potvrde i zapisnika kao i iznesenih činjenica iz optužnice. Po naredbi tužilaštva, a nakon deponovanja istog sadržaja u sudski depozit navedeni sadržaj te vrećice je poslan na vještačenje u Centar za hemijsko toksikološka vještačenja te je izdan nalaz i mišljenje kojim je utvrđeno nesporno da je riječ o cannabisu i THC drogi koja je na listi opojnih droga, psihotropnih tvari, biljaka iz kojih se može dobiti opojna droga i prekusora, Zakona o spriječavanju i suzbijanju zloupotrebe opojnih droga (Sl. glasnik BiH broj : 8/06,103/08,51/11), a vještak Iva Trezner je potvrdila činjenice navedene u nalazu i mišljenju.

Optuženi nije imao prijedloga dokaza u dokaznom postupku.

Iskaz optuženog dat na glavnom pretresu koji izjavi da to što je pronađeno kod njega nije njegovo i nije bio sam, sud je cijenio kao nedokazan, te je sud njegov iskaz doveo u vezu sa iskazom ostalih saslušanih svjedoka - pripadnika PU Jajce te materijalnih dokaza te donio odluku kao u izreci.

S obzirom na izloženo, sud je zaključio da je optuženi počinio krivično djelo koje mu se stavlja na teret na način, mjesto i u vrijeme opisano u optužnici istom izrekao uvjetnu osudu uzimajući u obzir sve navedeno te za krivično djelo „Posjedovanje i omogućavanje uživanja opojnih droga ” iz člana 239. stav 3. KZ F BiH. utvrdio kaznu zatvora u trajanju od 6 (šest) mjeseci i istovremeno odredio da se izrečena kazna neće izvršiti ukoliko optuženi u vrijeme provjeravanja od 1 (jedne) godine od dana pravosnažnosti, ne počini novo krivično djelo.

Krivični sud je prilikom odmjeravanja kazne vodio računa da će se određenom uvjetnom kaznom postići svrha kažnjavanja obzirom da se optuženi ne vodi u kaznenoj evidenciji kao ranije osuđivan i obzirom je isti dovoljno mlad da preispita svoje postupke i ima vremena za pokajanje.

Sud je odredio i trajno oduzimanje shodno odredbi člana 78 i 239 stav 4 KZ FBiH od optuženog A. K. opojne droge Cannabis , neto mase 2,257 grama upakovana u bijelu kovertu , oznake kao u prilogu uz akt broj 09-18/2-03-5-1831, privremeno oduzeta po Potvrdi o privremenom oduzimanju predmeta PU Jajce broj 02/5-2-04-9-6-25/23 od 30.08.2023.godine.

Sud je obavezao optuženog na plaćanje sudskog paušala u iznosu od 200,00 KM smatrajući da je taj iznos srazmjeran složenosti i trajanju krivičnog postupka, uvažavajući činjenicu i da je u ovom postupku provedeno i vještačenje, te imovinskim prilikama optuženog, a sve shodno članu 202. st.1 ZKP-a F BiH.

Zapisničar  
Snježana Blažić

S u d i j a  
Alem Ribić

**PRAVNA POUKA** : Protiv ove presude, može se izjaviti žalba Kantonalnom sudu u Novom Travniku putem ovog suda u roku od 15 dana od dana prijema presude. Žalba se podnosi putem ovog suda u dovoljnom broju primjeraka.